



QUÆSTIO MEDICA
CARDINALITIIS DISPUTATIONIBUS
MANE DISCUTIENDA
IN SCHOLIS MEDICORUM.

Die Jovis 16. Martij.

M. ROBERTO RAOULT
DOCTORE MEDICO, PRÆSIDE.

An senibus, meri potio insalubris?

I.

CERTIS eunt cuncta temporibus, nasci debent, crescere, extinguere; tutissimus vitæ portus mors est, una omnibus, nec ullâ superabilis arte; Juvenibus in propinquo; Senibus in limine: Hujus non alia, quam & ipsius vitæ origo, discors primordiorum, ex quibus constat omne vivens, concordia, aut potius concors, in viventis perniciem, illorum discordia, quæ non antè definit, quàm priùs ex istis non minùs morborum, quam corporum elementis, impari prælio invicem pugnantibus, unum fiat aliquando superius, ac cætera

vincat : Huic accedit & alia non levior causa , insiti scilicet caloris efficientia , qui eâdem manu suum fovet subjectum ac destruit ; & dùm salutare humorem furtim , sed avidius carpit , se ipsum quoque perimit , & quem sui occasum non intendit , eum tamen conficit ; ita ut , qui auctor est vitæ , idem sit & necis.

II.

PUNCTUM igitur est quod vivimus , & adhuc puncto minùs ; hoc tamen minimum , specie quâdam longioris spatii , natura divisit : Hujus decursu insignes in nobis fiunt temperamenti mutationes , unius caloris nativi humidum primegenium depopulantis soboles : Hæ certis quibusdam annorum intervallis demensæ , varias constituunt ætates : Prima omnium Infantia , calidissima & humidissima ; suo sequuntur ordine Pueritia , Pubertas , Adolescentia , Juventus , constans sui que matura ætas , & Senectus , quæ universim lassæ non fractæ ætatis nomen est ; hæc enim triplex , cruda seu viridis , ingravescens , & decrepita , omnium frigidissima ac siccissima ; quò enim quis suis primordiis propior , eò magis eorum naturam redolet , ac proinde calidior & humidior ; ætatis progressu , frigidior semper ac siccior evadit ; donec sequatur interitus , nullo ætario redimendus.

III.

RES est cuilibet optabilis mori suâ morte (intelligo ex naturæ necessitate) hanc accelerare (quasi ignavius) venientem , nec expectare illum vitæ exitum , quem natura decrevit , insanientis est , furorque est ne moriari , mori : In hanc incidunt insanix speciem , & vitæ supplicium non inveniunt , sed faciunt ,

3
qui spreto ætatum discrimine, cibum, & maxime potum quemlibet assumunt; cujus ut longè major quam cibi necessitas, sic & vis multò superior: Sua cuilibet ætati peculiaris est potio; omnis, aqua est, vel vinum; illa, omnibus animantibus communis; hoc nonnullis proprium: Idque triplex, cereale, fructuarium, & vitis, quod solum vini nomen meretur: Cereale, Mesenterij vias suo lentore & crassitie sæpiùs impedit; fructuarium, nimia humiditate excrementitiâ referum, eosdem quoque meatus stipat & obstruit; hinc utrumque homini cujuslibet ætatis insalubre.

IV.

NULLI pariter ætati ex toto vinum & aqua utilia sunt; medicamentum utrumque est, cum invicem assumitur; aqua mera, quam vocant sapientiæ fomitem, tardè permeat, diutiùs moratur in Hypochondriis, ac sæpius morandi causam, ductuum obstructionem amovere non valet; vino temperata, alimentorum coctionem juvat, facilem distributionem promovet, sitim efficacius restinguit, ac exæstuans corpus voluptate frigoris citiùs perfundit: Vinum sincerum, voluptatis, non necessitatis potus, sui amantissimis clàm jugulum petit, universum quippe corpus adeò subtilitèr & latentèr inficit, ut non tam videas, quàm persentias injuriam: Pueros debito privat incremento; Adolescentes, Juvenes, Virosque sui maturos, reddit furiosos, & ad iram ac libidinem maximè proclives.

V.

IS est omnium ferè hominum error, ut credant, merum esse, si non immortalitatis, saltem senij Phar-

macum; Senes (sibi & aliis molestos) recreare; graves eorum eluere curas; discutere mœrores; paulò duriores emollire mores; ac tandem efficere, ut positâ humorum feritate, sensum majorem induant humanitatis: Hæc reverâ præstare valet vinum, multâ aquâ dilutum non meracum; illud enim sopitos & languentes Senum spiritus animat, defæcatiores reddit, & familiarem ipsis soporem (mortis proximæ prænuntium) Mercurij virgæ adinstar discutit; hoc verò, mentem & sensus conloquit omnes, durum ex se, contumax & coctionis impatiens, debilem coquendivim eludit; igneo, quo pollet ardore, salutarem partium humorem, vivifici caloris nutrimentum, helluatur; & sic, superstitem in Senibus caloris innati scintillam præmaturè exstinguit.

Ergo senibus, meri potio insalubris.

Afferebat Lutetiæ FRANCISCUS AFFORTY,
Parisiensis. A. R. S. H. MDCLXXIII.

P A R I S I I S,
Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.